



Broj: 15-03-16-5-27-114/21

Datum: 10.2.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav (1) Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

O D L U K U o izboru najpovoljnijeg ponuđača

Član 1.

Najpovoljniji ponuđač u postupku javne nabavke obrazaca pasoških knjižica objavljenom na web portalu Agencije za javne nabavke Bosne i Hercegovine, broj Obavještenja o nabavci 1110-1-1-47-3-70/21 od 10.9.2021. godine sa ispravkama za Obavještenje o nabavci 1110-1-1-47-8-102/21 od 10.12.2021. godine i 1110-1-1-47-8-23/22 od 2.2.2022. godine, koji je proveden otvorenim postupkom, je **MUEHLBAUER d.o.o. Banjaluka**.

Član 2.

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom donošenja.

O b r a z l o ž e n j e

Komisija za provođenje postupka javne nabavke obrazaca pasoških knjižica je konstatovala je da je rok za dostavljanje ponuda 8.2.2022. godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača THALES DIS France SA, Meudon, Francuska i ponuđača Muehlbauer d.o.o. Banjaluka. Neblagovremenih ponuda nije bilo.

Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača.

U toku pregleda ponude ponuđača THALES DIS France SA, Meudon, Francuska zapisnički je utvrđeno da ponuda ovog ponuđača nije pripremljena na način propisan tačkom 5.2. Tenderske dokumentacije za nabavku obrazaca pasoških knjižica, broj



15-03-16-5-27/21, objavljene 10.9.2021. godine i njenim izmjenama, broj 15-03-16-5-27-67/21 od 10.12.2021. godine i broj 15-03-16-5-27-67/21 od 2.2.2022. godine (u daljem tekstu: Tenderska dokumentacija), te ponuđač u svojoj ponudi nije dostavio sve tražene dokaze, a neki od dokaza koje je dostavio nisu potpuni. U skladu sa zapisnički konstatovanim nedostacima ponude ponuđača THALES DIS France SA, Meudon, Francuska, Komisija je istu ocijenila nekvalifikovanom, te je odbacila u skladu sa tačkom 6.11. i tačkom 6.13. podtačke b) i g) Tenderske dokumentacije.

Nakon pregleda i analize ponude ponuđača Muehlbauer d.o.o. Banjaluka, Komisija je utvrdila da je ponuda ovog ponuđača kvalifikovana i prihvatljiva.

U postupku sa kriterijumom za izbor najniža cijena, gdje je jedna zaprimljena ponuda ocijenjena kvalifikovanom i prihvatljivom, Komisija je, nakon što je utvrdila da ponuda ponuđača Muehlbauer d.o.o. Banjaluka u ekonomskom i tehničkom smislu u potpunosti zadovoljava zahtjeve Agencije, sa ukupnom cijenom ponude od **29.463.140,00 KM bez PDV-a, odnosno sa uračunatim PDV-om u iznosu od 34.471.873,80 KM**, dala preporuku da se donese odluka o izboru ovog ponuđača kao najpovoljnijeg.

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od deset (10) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR

Dr. sc. Arif Nanić

Signed by: ANANIC
дигитално потписано / digitalno potpisano / digitally signed